

SCRIPT OF EVENING GOJRI NEWS BULLETIN 6 OCT 1700 HRS

ایونینگ گو جری نیوز بلیٹن مورخہ 6 اکتوبر 2025

یوہ آکا شوانی جموں ہے عبیدالرحمان تے نصرت چوہدری تیں خبر سُنو۔

HEADLINES

- ۱۔ مرکزی وزیر ڈاکٹر جتندر سنگھ نے کہیو ہے کہ بھارت نانہہ اج پوری دنیا مانہہ اعلیٰ سائنسی تحقیق تے اختراعات غا سرکردہ مُکّاں مانہہ شمار کیو جارہیو ہے۔
- ۲۔ وزیر اعلیٰ عمر عبداللہ نے اج سرینگر مانہہ 69 ویں قومی اسکول کھیڈ غو افتتاح کیو تے کہیو کہ کھیڈ آپسی دوستی تے اتحاد مانہہ اہم کردار ادا کرے۔
- ۳۔ بھارتی چناؤ کمیشن نے جموں کشمیر مانہہ راجیہ سبھا غی نشستیں واسطے نامزد گو عمل شروع کیو ہے نگرؤ تے بڈگام اسمبلی حلقاں مانہہ ضمنی چناؤ 11 نومبر نانہہ تے ووٹاں غی گنتری 14 نومبر نانہہ وے گی۔
- ۴۔ ضلع ڈوڈہ مانہہ زلزلو محسوس کیو گیو جس غی شدت 3 عشاریہ 6 ریکارڈ کی گئی ہے۔
- ۵۔ وادی کشمیر تے جموں خطہ گا کئی علاقیاں مانہہ موسم غی پہلی برف باری ہوئی ہے جموں خطہ غے اندر اسکولان نانہہ بند رکھیو گیو ہے۔

JATINDER SCIENTIFIC RESEARCH

سائنس تے ٹیکنالوجی غا وزیر جتندر سنگھ نے کہیو ہے کہ بھارت نانہہ اج پوری دنیا مانہہ اعلیٰ سائنسی تحقیق تے اختراعات غا سرکردہ مُکّاں مانہہ شمار کیو جارہی و ہے یاہ گل وزیر موصوف نے اج نوی دہلی مانہہ امرجنگ سائنس ٹیکنالوجی تے ایجادات کنکلیو ای ایس ٹی آئی سی 2025 گا اجراء غے دوران کہی وزیر موصوف نے کہیو کہ ملک غی معشیت مانہہ جہڑی ترقی اج نظر آرہی ہے واہ بُنیادی طورور گزشتہ دہائی مانہہ حاصل ہون آلی ٹیکنالوجی مانہہ پیش رفت غو نتیجہ ہے سائنسی برادری غی کوششاں غی تعریف کرتاواں موصوف نے کہیو کہ بھارتیہ سائنس دانان نے قوم گو سر فخر نال اچو کیو ہے جناب سنگھ نے مزید کہیو کہ ہُن بھارت ٹیکنالوجی غا میدان مانہہ دوجاں غی پیروی نہیں کر رہیو بلکہ اپنی راہ خود طے کر رہیو ہے۔

CM SCH GAMES

وزیر اعلیٰ عمر عبداللہ نے اج سرینگر غا ٹی آر سی فُٹبال میدان مانہہ ایک فُٹبال نانہہ کک مار غے باضابطہ طور ور 69 ویں قومی اسکول کھیڈ غو افتتاح کیو جس سنگ اس قومی سطح غا کھیڈاں گا مقابلان گو باضابطہ آغاز ہوو۔ اس سال غا قومی اسکول کھیڈ مانہہ ملک گا مختلف ریاستاں تے مرکزی زیر انتظام علاقیاں تیں 30 ٹیم نے اس مانہہ حصو ليو ہے مقابلہ 6 مختلف مقامات ور کھیڈیا جیں غا ان مقابلان مانہہ فُٹبال وشو ٹاوندو تے ٹیبل ٹینس شامل ہیں اس موقع ور وزیر اعلیٰ نے کہیو کہ کھیڈ نوجوانان مانہہ اتحاد دوستی تے ایک دوجا نانہہ سمجھن غو جزبو پیدا کرے اُنہاں نے مزید اس طرح کہیو۔ اس دوران کھیڈاں گا وزیر ستیش شرما وی موقع ور موجود تھا اُنہاں نے ذرائع ابلاغ سنگ گل بات کرتاواں اس طرح کہیو۔

ECI RS POLLS

بھارتی چناؤ کمیشن نے آج ترے الگ الگ نوٹفکیشن جاری کیا ہیں جن غے ذریعے جموں کشمیر تیں راجیہ سبھا غی 4نشستیں واسطے نامزد گو عمل شروع کیو گیو بے پہلی نوٹفکیشن اس نشست غا بارا مانہ بے جہڑی میر محمد فیاض غی مدت گا 10فروری 2021نانہ مکمل ہون تیں بعد خالی ہوئی دوجی نوٹفکیشن شمشیر سنگھ غی نشست تیں متعلق بے جہڑی 10فروری 2021نانہ خالی ہوئی تیجی نوٹفکیشن 2اراکین غلام نبی آزاد تے نظیر احمد لاوے غی نشستیں متعلق بے جن غی مدت کار 15فروری 2021نانہ مکمل ہوئی اگر ووٹنگ غی ضرورت پنی تاں پولنگ 24اکتوبر 2025نانہ سویرے 9 بجے تیں شام 4 بجے توڑی ویں غابھارتی اعلیٰ چناؤ کمیشن غی طرفوں آج بہار اسمبلی چناؤ غے نال نال نگر وٹہ اسمبلی حلقہ تے بڈگام اسمبلی حلقہ واسطے ضمنی چناؤ گو اعلان کیو گیو بے۔ جس غے مطابق ان اسمبلی حلقاں ور چناؤ آئندہ 11 نومبر نانہ ویں گا جد کہ ووٹاں غی گنتی 14 نومبر نانہ کی جائے گی۔

GST REFORMS BIHAR

جدید دور غی جی ایس ٹی اصلاحات تیں بہار گا کئی شعباں نانہ فائدو پیجے گو جس مانہ زراعت کھان غی چیزاں غی تیاری دودھ غی بنی اشیاء تے ہتھ تیں بنن آلا کپرا شامل ہیں ان اصلاحات تیں کساناں نانہ خاص طور ور برو فائدو پیجے گو مکھانا تیں بنی اشیاء ور جی ایس ٹی 12 فی صد غے بجائے 5 فی صد لگے گو اسی طرح جوس، جام تے چار ور ٹیکس 12 فی صد غے بجائے 5 فی صد لگے گو مظفرآباد غی جی آئی ٹیگ شاہی الاچی ور تقریباً 6 تیں 7 فی صد غی بچت وے غی باگل پوری ریشم، مدوبنی نقش و نگار تے سوجینی کڈھائی جیسی ہنرمند مصنوعات ہن سستی ویں غی۔ اس تیں علاوہ ٹریکٹر، پمپ تے آبپاشی غا آلات ور جی ایس ٹی نانہ 5 فی صد کرن تیں زراعت گا شعبہ نانہ مضبوطی ملے غی۔

BUDGET PREP

جموں کشمیر سرکار نے آئندہ مالی سال 2026-27 وستیے سالانہ بجٹ تیار کرن غی شروعات کردتی بے آکاشوانی جموں غا نمائندہ نے خبر دتی بے کہ محکمہ خزانہ نے تمام انتظامیہ محکماں، محکماں غا صدر تے ڈی ڈی او ز نانہ ہدایت جاری کی ہیں کہ وے اس ضمن ماہ فورے اقدام کریں تے اکتوبر 20 تیں 25 توڑی بجٹ غو خاکو تیار کرن تے 30 اکتوبر تک حتمی تجاویز پیش کرن غی ہدایت جاری کی گئی ہیں اس تیں علاوہ کام کاج متعلق بجٹ وی متعلقہ ایم ایل اے ز ڈی ڈی سی تے پی آر آئی غی مشاورت نال تیار کیو جے غو۔

DODA EARTHQUAKE

ضلع ڈوڈھ مانہ گزشتہ رات تقریباً 2 بج غے 47 منٹ ور زلزلو محسوس کیو گیو جس غی شدت 3 اشاریہ 6 فی صد ریکارڈ کی گئی قومی سیسمولوجی مرکز غے مطابق یوہ زلزلو زمینی سطح تیں 5 کلو میٹر غی گہرائی ور ریکارڈ کیو گیو ایکس ور جاری

مذکورہ مرکز غی رپورٹ مانہ دسیو گیوہے کہ اس زلزلہ غی وجہ نال کسے وی جانی یاہ مالی نقصان غی کوئے خبر موصول نہیں ہوئی۔

JKTPO

جموں کشمیر مانہ کاروبار غا بادا قائم تنظیم جے کے ٹی پی او صنعت و حرفت محکمہ غا سانجہ تال میل نال خطہ جموں غے اندر برآمدات متعلق بیادری ورکشاپ تے ای کامرس مہم غی سیریز شروع کی جارہی ہے ضلع سانہ مانہ یاہ ورکشاپ کل منعقد کی جے غی اس طرح 8 اکتوبر نانہ جموں مانہ 9 اکتوبر نانہ ضلع کٹھوہ مانہ تے 10 اکتوبر نانہ ضلع ادھمپور مانہ یاہ ورکشاپ منعقد ویں غی۔ ان اقدامات غو بنیادی مقصد مقامی کاروباریاں نانہ برآمدات متعلق بیادری دینو تے اس سلسلہ مانہ سرکار غی فلاح اسکیمیں تے دیگر موقعان متعلق جانکاری دینوہے ان پروگرامان مانہ برآمدات بیمہ مالی معاونت تے ای کامرس غا موقعان تیں علاوہ برآمدات تے درآمدات نال جڑیا کاروباریاں غی امداد تے دیگر اہم معاملات ور خصوصی توجہ دتی جے غی۔

RAJOURI VAY VANDANA

راجوری مانہ بزرگان غا علاہ مانہ بہتری واسطے ڈپٹی کمشنر راجوری ابھیشیکہ شرما نے ٹاون ہال مانہ آیوش مان ویا وندے کارڈ جنریشن پروگرام گو آغاز کیو اس سکیم غے تحت 70 سال یا اس تیں زیادہ عمر غا تمام بزرگ شہریاں نانہ آمدنی غی پرواہ کریں بغیر مفت طبی سہولت فراہم کی جیں غی۔ تقریب سنگ خطاب کرتا واں ڈی سی نے ہر اہل بزرگ شہری نانہ اندراج کران غی اہمیت ور زور دتو تانجے اُن غی صحت تے سماجی تحفظ نانہ یقینی بنایو جاسکے محکمہ صحت تے ضلعی اہلکار مکمل جانکاری حاصل کرن واسطے محنت کر رہیا ہیں بزرگ شہریاں نے اس سہولت تے ضروری طبی مدد واسطے شکریو ادا کیو ایک مستفید نے اس بارے اس طرح کہیو۔

SNOWFALL

جموں غا کُجھ علاقان تے وادی کشمیر غا بالائی حسان مانہ اج موسم غی پہلی برف باری پئی۔ جموں غی پیر غی گلی پاڈر، گُلڈنڈہ، بھدرواہ تے دیگر کُجھ مقامات ور برف باری دیکگی گئی تے وادی کشمیر گا گلمرگ زوجیلہ پاس، رازدان تے دیگر اُچا علاقان مانہ وی برف باری ہوئی۔ گُلڈنڈہ مانہ برف بارے تیں خوش ایک سیاح نے اس طرح کہیو۔ اس دوران ریاستی حکام نے خراب موسم غے باعث جموں صوبہ مانہ تمام سکول پلکیں توڑی بند رکھن غو حکم جاری کیوہے کسانان نانہ وی مشورو دتو گیوہے کہ وہ پلکیں توڑی کھیتی باڑی غی سرگرمیاں نانہ معطل رکھیں۔

PARA ATHLETICS

عالمی پیرا اتھلیٹ کھیٹ مقابلان مانہ بھارت نے کُل 22 تمغہ حاصل کیا ہیں جن مانہ 6 سونا غا تمغہ 9 چاندی تے 7 کانسہ غا تمغہ شامل ہیں نوی دہلی گا جواہر لعل نہرو کھیٹ میدان مانہ منعقد ان مقابلان مانہ کامیابی حاصل کرن آلا کھلاڑیاں نانہ وزیر اعظم نریندر مودی نے مبارک باد پیش کی ہے سوشل میڈیا پوسٹ ور جناب مودی

نے کہیو کہ اس سال گا یہ کھیڈ مقابلہ خاص رہیا تے کھلاڑیاں نانہہ مبارک باد دتی
جناب مودی نے کہی و کہ ان کھلاڑیاں گی کامیابی کئی افراد غی حوصلہ افزائی گو
ذریعو بنیں غی تے مناں اپنا تمام کھلاڑیاں ور فکر ہے جناب مودی نے تمام
کھلاڑیاں غا مستقبل وستے نیک خواہشات غو اظہار کیو تے کہیو کہ نوی دہلی مانہہ
ان کھیڈ مقابلہ غی میزبانی بھارت وستے ایک اعزاز ہے۔
